

鄆陵文獻志

鄆陵文獻志卷三十五

鄆陵蘇源生菊邨纂

人物志十二

列女

國朝

于氏

道光志于氏王世清妻十八歲于歸越三載夫沒無所出家貧親老氏惟勤紡織孝翁姑撫夫姪爲嗣現已守節四十七年

楚氏

文獻志

卷三十五

一

道光志楚氏監生陳克均妻十八歲于歸越七載生子嵐光未一載夫故養老撫孤教子甚嚴嵐光少列諸生現已守節四十七年

梁氏

道光志梁氏常法德妻年二十生子魁林未彌月法德亡奉孀姑撫孤子魁林成立入監現已守節五十年

馬氏

道光志馬氏王海林妻二十一歲生子化隆夫沒養老撫孤孝慈兼盡現已守節四十七年

孫氏

道光志孫氏馬福祥妻年十九寡親老子幼矢從一
之貞守代終之義子甫冠亦亡茹荼集蓼現已四十
七年

趙氏

道光志趙氏于江妻許州增生趙相臨之女十七歲
適江未三載江沒家貧姑病篤翁恐姑亡媳身無依
欲令改嫁氏潛割股肉爲誓調進以愈姑病未幾翁
復欲嫁之氏露股之刀痕以告翁方知其志堅悔甚
越三載翁姑俱沒遺二子一甫七歲一甫四歲氏撫
養保抱一如已生會年饑氏保全二叔辛苦備至及
成立與聘娶以叔之子爲嗣二叔事之亦如母現已
守節三十餘年

賈氏

道光志賈氏張思溫妻無子孝親慈幼年二十六夫
病奉侍湯藥晝夜不懈月餘夫亡送葬歸自縊死

王氏

道光志王氏曹協英妻守備帥軍女也年十九于歸
二十而寡無子苦節自誓舅姑病十餘年嘗藥以進
孝養兼至歷久彌勤現已守節四十三年

文獻志

卷三十五

二

李氏

道光志李氏展鵬程妻夫故家甚貧以紡織爲衣食計事孀姑以孝聞姑時苛責之氏承顏順志不稍怠姑病肝氣時逆日夕爲之揉捶下氣怡色善伺意旨姑下痢三載嘗湯藥滌衾蓐左右調護雖嚴寒盛暑無閒及姑卒哀毀逾禮水漿不入口者數日戚族責以大義始強起啜粥視事子文理訓以義方旋補府學生氏今已守節四十年

劉氏

道光志劉氏梁占魁妻年二十一夫故子生甫二年

文獻志

卷三十五

三

舅姑衰老衣食甘旨皆取給於十指閒生事死葬具克盡禮訓子嚴不少姑息現年六十有六子崑生縣學生

李氏

道光志李氏候選訓導饜得桂妻事舅姑至孝姑性剛時加笞責婦惴懼無怨言承奉益謹偶至母家母問之未嘗言也家貧以紡績資市甘旨積勞身瘠甚姑年八十餘病廢不能起婦禱天願以身代湯藥非親嘗不進衣不解帶者凡八年

吳氏

道光志吳氏唐可成妻年二十五夫故家貧紡績以
養舅姑值歲凶自啖莓苔不穀食者四十餘日卒無
悔志撫子成立守節二十八年現年五十三

朱氏

道光志朱氏尉氏朱淑庵女文學梁三奇妻年三十
夫故家貧姑老子幼氏仰事俯育勤儉自持姑以壽
終子克成立守節四十餘年現年七十二

劉氏

道光志劉氏高進福妻年十九于歸五閱月夫亡祖
姑及舅姑年邁氏紡績以養撫嗣子海成立守節四

文獻志

卷三十五

四

十三年現年六十二

石氏

道光志石氏牛東周妻年二十一夫故無子家甚貧
紡織以養舅姑舅先卒及姑亡時承嗣尙乏人獨守
姑柩者三十年飲食必薦始終如一日族人按察司
經歷金生感其冰操孝行以子監生振清爲之嗣守
節五十七年現年七十八

李氏

道光志李氏朱法科妻節孝婦褚氏女邑庠生光輝
之妹也年十八適朱越一年而法科故無子矢志不

貳以姪瑞兆爲嗣姑年老孝敬不衰守節四十年現年六十

胡氏

道光志胡氏李世芳妻邑庠生收之祖母也年十九適李五年世芳故長子敬祖生甫三年次敬宗甫五月氏守節自誓姑病經年刲股肉以進乃愈守節四十餘年年七十一卒

高氏

道光志高氏李世璽妻年十九適李三年世璽故高截耳自誓孝事舅姑以姪曰協爲嗣守節六十年年

文獻志

卷三十五

五

八十二卒

陳氏

道光志陳氏白九阜妻邑庠生逢午之嫂也年十八適白三年九阜故陳矢栢舟節孝事舅姑生事死葬及歲時祭祀皆以禮守節幾四十年現年六十以逢午之子爲嗣

呂氏

道光志呂氏監生黃俊儒繼室偏關縣知縣挺生女也年二十九寡前室遺二子俱幼呂撫之如已出事舅姑以孝稱守節三十年現年五十九

王氏

道光志王氏吳國輔妻貢生瑞卿之嗣母也年二十四夫故矢志不貳以姪瑞卿爲嗣撫之成立守節幾五十年現年七十一

周氏

道光志周氏任郎妻童養夫家郎陋其色及成婚後生一子郎外出終身不歸時氏年甫二十耳家甚貧以紡織爲衣食計舅姑卒氏哭之哀感行路族無期功親事祖姑撫幼子以節終

趙氏

文獻志

卷三十五

六

道光志趙氏劉思敬妻年二十孀舅沒姑存姑多病氏扶持不去左右病殆刲股以進遂愈歲荒家貧甚養老撫孤備閱困乏姑卒喪葬以禮子廷章思敬沒時生甫二年撫之成立皆氏織紉資也年七十九卒

唐氏

道光志唐氏劉觀光妻宗順之母邑庠生效恭女也年二十二孀養老撫孤皆盡其道後子克成立家亦日裕至八十三而終

馬氏

道光志馬氏張式四妻年二十四孀家貧事姑孝姑

病刲股以愈者再姑以壽終嘉慶二十二年邑令劉旌其門

楊氏

道光志楊氏陳發旺妻七歲童養夫家十七成婚二十三而寡無子苦節事姑誓代子職姑病湯藥必嘗以進及卒自斂至葬禮無違者以夫之姪敬聖爲後已守節四十二年

曹氏

道光志曹氏監生王秀生妻年二十七孀舅姑在堂二子一三齡一數月耳氏養老撫孤不辭勞瘁歷三

文獻志

卷三十五

七

十餘年

趙氏

道光志趙氏劉逢泰繼室貢生維新女也年二十七孀無子氏矢志不貳上事姑下撫前室女極孝慈之道後以姪青選爲嗣教之成名現年六十九

鄭氏

道光志鄭氏李孟文妻文學逢午嫂也年二十一孀矢志不貳越五年姑始生逢午氏與姑共撫之恩勤備至事舅姑尤以孝聞今舅姑年七十餘氏年五十三以逢午子爲後

張氏

道光志張氏蔣貴超妻年二十四夫死矢志事舅以孝聞撫子聖智聖禮成立年六十八卒

章氏

道光志章氏張宗岐妻年二十五夫死事舅姑以孝撫子鳳至鳳采以慈皆克成立現年九十一

程氏

道光志程氏馬東陽妻監生東魁嫂也年二十一于歸年餘夫故時兄公乏嗣東魁生甫十年氏撫之周至事舅姑以孝聞後取東魁子嗣兄公而已則經理

文獻志

卷三十五

八

兩家事四十年不倦年六十三以節終

王氏

道光志王氏馬文才妻文學仲雅之祖母也年二十九孀遺子女各一矢漆室志後子復於中歲沒氏養姑撫孫與婦共持家政年七十一以節終仲雅母亦以賢稱

王氏

方宗誠撰傳孺人姓王氏許州人歲貢生候選訓導諱鳳苞之女年十九歸鄆陵蘇氏夫諱立誠孺人通孝經毛詩明於大義生一子源生歲甫周而夫得喀

血疾不起孺人抱子立牀下夫瞪目直視孺人哭曰
後嗣君無慮乃瞑時舅及繼姑尚存孺人上事親下
所以育子者瘁心力俾舅姑忘子之亡舅姑沒遺幼
女教育成人如姑在課子尤嚴偶游戲責之曰汝不
讀書何以對汝祖時談先世遺事以訓之尤以擇交
爲諄諄一日見有行不謹者過門乃大恚召源生跪
而杖之鄰媪走相解曰若孤子也孺人哭曰若惟孤
子也不教後且不可教若祖若父以屬於我今若此
我何以見先舅先夫於地下言已益大哭乃掖源生
起爲述遭遇艱難門戶衰替一不慎將墜厥宗語絕

慟源生自是知守身之義長好古能文積書萬餘卷
孺人喜曰汝能酬汝祖父之志吾無憂矣孺人性寬
厚惡言人過失嘗戒源生曰言而非則傷忠厚卽是
亦招怨尤又曰疾惡太嚴何以容衆宜刻意改悔無
任氣也勤苦教家至老不倦源生舉道光丁酉科拔
貢生復中庚子科副榜貢生候選教諭篤行誼淡仕
進窮經考道毅然爲宋五子之學著書數十卷醇正
篤實皆孺人有以啟之孺人守節時年二十六又四
十四年以壽終咸豐二年六月二十八日也先是道
光壬辰栗恭勤公爲河南布政使檄學官採訪節孝

孺人與焉奉 旨建總坊 旌表如式源生復
博求海內名人作爲詩文有貞壽堂贈言一卷

丁氏

道光志丁氏李瑞卿妻性貞潔不苟言笑年二十適
瑞卿二載而寡無所出舅姑憐其少欲令他適氏斷
髮自誓舅姑感泣乃不復言後舅姑多疾病氏侍湯
藥克盡孝養十四年如一日及舅姑先後逝氏經理
殯葬盡哀盡禮鄉黨稱賢孝焉取夫弟之子爲後教
之成立守節四十年現年六十

葛氏

文獻志

卷三十五

十

道光志葛氏王天秀妻年十七于歸時舅姑已沒惟
夫之兄嫂是依兄嫂老而無子氏事之如舅姑越三
載夫卒氏欲以身殉嫂知其有遺腹也竭力慰諭之
氏亦望延一綫乃強起理遺事既而生子六勤氏上
奉兄嫂下撫遺孤倍加勤劬迨兄嫂相繼逝含斂卜
兆必親視之以六勤爲兄嫂後治家最嚴諸孫亦皆
循謹鄉里賢之守節四十七年現年六十五

崔氏

道光志崔氏邑庠生蘇慎修繼室年二十二適慎修
越四載夫卒矢志撫前室女如已出守節三十五年

年六十三卒子立本入監

王氏

道光志王氏李興龍妻母家本單門年十九于歸夫家亦無族戚姑及伯叔俱早逝惟舅在夫卒時惟一女生甫數月氏哀慟欲以身殉舅泣勸之氏亦念舅老女幼無所依乃勤女工爲事畜計越七年舅卒氏經理喪葬哀動鄉里女長成于歸備購簪珥皆氏紡績儲也氏夫族無人乃取外孫平安爲後守節四十八年現年六十九

馬氏

文獻志

卷三十五

十一

道光志馬氏東天寶繼室年二十于歸夫沒時舅姑俱逝繼姑年近五旬夫弟天貴八齡子瑞林甫一載越二年繼姑病篤氏禱於神願以身代繼姑竟不起垂沒執氏手泣曰東氏孤無族黨吾子與汝子俱幼今以付汝矣言訖逝氏哀痛絕而復甦殯葬如禮氏撫天貴凡衣食婚娶皆與己子同天貴與妻丁氏事嫂如母子瑞林亦克孝養事叔如父蓋皆由於氏之教云守節四十三年年六十八卒

劉氏

新纂劉氏楊河村劉宗儒女狐冢村賈永進妻年二

十一夫卒孝事舅姑舅病癱服事榻前久而不懈姑病瘡氏默祝神明願以身代舅姑病愈人以爲孝感守節六十餘年卒

本題旌冊以下二十六人並同

趙氏

新纂趙氏趙莊監生趙有女城內李珽妻年二十于歸九載夫故奉養翁姑始終弗懈無子取夫姪鳴岐爲嗣

曾氏

新纂曾氏監生夏應元妻年二十五夫沒時遺孤尙幼有利其家貲諷以他適者氏以栢舟自誓竟弗能

文獻志

卷三十五

十一

奪

董氏

新纂董氏扶溝董大士女解岡解九德妻年二十一夫故家甚貧十餘冬不衣絮而堂上甘旨無缺舅姑沒氏鬻簪珥以葬人皆稱焉

姜氏

新纂姜氏祥符姜良法女幼許字谷樓谷軼羣爲室七歲送養於夫家年十七尙未行合巹禮而軼羣病卒舅欲令改適使姑温言勸之氏曰人生大義惟孝與節區區此志不願更適他人矣遂篤志守貞奉養

舅姑舅姑卒不賴賻助葬之無失禮族黨稱焉

于氏

新纂于氏王柱妻年十九于歸家甚貧一載夫卒翁姑年邁夫弟幼氏經營衣食使老幼無缺養翁姑卒喪葬之費出於紡織所積人尤難之

王氏

新纂王氏王克勤女年十五歸義女店呂錫慶爲室閱五月夫卒氏撫棺長號欲以身殉祖翁及翁姑勸慰之氏涕泣曰不許我死願終身爲呂家人不爾無生理祖翁及翁姑皆泣許之未幾祖翁卒氏事翁姑

文獻志

卷三十五

十三

四十餘年毫無倦志其孝洵爲人所難云

戴氏

新纂戴氏康王廟張友賢妻年十九夫卒矢志守貞翁失明善事之教嗣子名彥入邑庠守節五十餘年

馬氏

新纂馬氏王店王應林妻年二十夫故翁姑多病氏善事之守節五十餘年

張氏

新纂張氏義女店馬福壽妻年二十夫故矢志苦守孝養翁姑翁病癱氏嘗藥進膳歷久不倦

楊氏

新纂楊氏趙士森妻年二十一于歸時舅姑年邁氏奉事得其歡心閱五載夫沒村婦勸氏家貧無嗣不如他適氏指天爲誓卒以節終

蔣氏

新纂蔣氏田逢倉妻年二十四夫故撫嗣子以節終其身

步氏

新纂步氏王廷璜妻年二十四夫故以節自勵姑臥病數月氏左右奉事衣不解帶翁病亦如之人稱其

文獻志

卷三十五

十四

孝道光十二年卒守節五十四年

唐氏

新纂唐氏劉克賓妻年二十四夫故以節自守不肯改適值歲荒借母家屋一間以居而志不少變道光九年卒年七十九

李氏

新纂李氏張永進妻年二十五夫故奉親撫孤咸得其道嘉慶三年卒年六十三

徐氏

新纂徐氏甘北保監生徐敬止女謝坊閭有福妻年

二十七夫故守貞孝親始終如一

劉氏

新纂劉氏徐坡徐瓚妻年二十夫故孀姑在堂孝養備至姑沒氏哭之痛每逢祭日流涕長號幾於喪明其孝思醇篤如此

劉氏

新纂劉氏趙莊趙如阜妻年二十四夫故自守貞潔事親敬慎道光九年卒年六十一

李氏

新纂李氏監生胡明遠妻年二十六夫故奉親撫子

文獻志

卷三十五

十五

俱無遺憾

劉氏

新纂劉氏步中德妻年二十四夫故矢志守貞翁姑沒終日哭泣至於喪明鄉人稱苦節焉

張氏

新纂張氏林家村林好義妻年二十七夫卒事姑及伯母甚孝撫遺孤成立

張氏

新纂張氏洧川張高越女謝坊閻有德妻年二十二夫卒時家貧親老遺孤甫三月氏於艱辛中竭力養

育毫無失墜翁姑沒遺田二畝氏鬻之以葬人咸稱焉

陳氏

新纂陳氏張惠妻年二十五夫故守身以貞事姑以孝姑臥病一載餘氏事之無倦容沒以禮葬焉

丁氏

新纂丁氏張棟妻年二十四夫故事翁姑撫幼女俱盡其道翁姑沒移居母家年八十一卒守節五十七年

王氏

文獻志

卷三十五

十六

新纂王氏城內陳繩武妻年二十七夫故矢志守貞姑病噎奉事不怠教子成立克致小康

杜氏

新纂杜氏城內鄭昇人妻年二十八夫卒守節三十餘年教子淦入邑庠

喬氏

新纂喬氏王炳妻年二十四夫卒事翁姑能得其歡撫夫弟成立

劉氏

記過齋文稿劉氏尉氏高廟寨劉瑞女鄆陵韓老家

韓敦本妻年二十五夫沒子繼振未週歲家貧如洗
勵志守貞或有勸氏改適者不從因乘氏提甕出汲
致其子於阨氏歸急救其子而堅確之志不少移迨
繼振長惟教以力勤治生數十年間家漸饒裕氏之
力也嘉慶二十年卒年八十八蒙按以下一百三人皆於咸豐元年建總
坊 旌表凡言今年皆咸豐元年而言

劉氏

記過齋文稿劉氏拐子邨劉學孟女牛集牛永同妻
年二十九夫沒以節自勵閨門嚴肅伯叔子姓闖門
與言未嘗踰闕道光四年卒年六十九嗣子凌雲庠

文獻志

卷三十五

十七

生

劉氏

記過齋文稿劉氏城內唐縣教諭劉燕貽女梁老家
監生梁樹勳繼室年二十九夫沒教子以正孫坦之
早失恃撫之成立嘉慶十八年氏卒年五十九

孫氏

記過齋文稿孫氏張橋孫九行女適郭劉邨張道行
爲繼室翁姑暮年多病氏善事之年二十八夫沒守
貞無子取夫姪鵬飛爲嗣恩愛過於所生夫兄道尊
好善樂施氏出其針黹所積以左右之所施益廣人

皆感焉嘉慶十九年卒年五十九子鵬飛監生孫寅
亮貢生

夏氏張氏

記過齋文稿夏氏夏堂夏繼禹女塔莊田復功妻年
十九夫卒翁姑在堂氏竭力致養人稱其孝年六十
七沒嗣子廣娶張氏裴莊張敬隆女年十九于歸四
年夫卒守貞一如其姑今年五十二

張氏

記過齋文稿張氏樂陵岡張從甫女城內蘇勲妻年
十九夫沒氏矢志靡他恪守禮法不妄言笑人以女

文獻志

卷三十五

十八

宗稱之道光二十年卒年七十六

張氏

記過齋文稿張氏新莊張伯溫女年十七歸伏邨姚
光顯閱十載夫卒以義自守道光三十年卒年八十
四

張氏

記過齋文稿張氏新莊張同林女年十九歸議臺李
天元七載夫卒姑衰老氏善事之姑沒竭力營葬道
光二十六年卒年六十七嗣子應選

董氏

記過齋文稿董氏董莊董天美女年二十歸康莊康鳳臺爲繼室前室遺子女皆幼氏愛如已出閱二年鳳臺沒氏矢志守貞奉養翁及繼姑皆盡禮道光二十七年卒年六十七

劉氏

記過齋文稿劉氏蒲堂劉宗武女年十七歸宋莊宋洪仁九年夫卒時祖姑及姑皆在堂夫遺子女各一氏奉老撫幼能盡其道入皆賢之道光十七年卒年五十六

許氏

文獻志

卷三十五

十九

記過齋文稿許氏許莊許大來女唐莊張有德妻年二十八夫卒子甫周歲時家無遺產歲值奇荒無識者屢來勸嫁氏終不從顧貧無以爲生初賣衣物以哺兒衣物盡則采野菜度日於艱辛中竟克完名全節撫子成立道光二十九年氏卒年六十四

黃氏

記過齋文稿黃氏席黃邨黃天佑女年十七歸張坊尹功烈一載夫沒氏以節自守上奉八旬之姑能得其歡人稱嘆焉道光十二年卒年四十七嗣子永和

韓氏

記過齋文稿韓氏韓營韓作旗女年十六歸夏莊周
逢潮八載夫沒氏孝事翁姑姑病氏禱神以祈姑壽
姑病果愈道光二十二年氏卒年五十六嗣子彭載
庠生

蘇氏

記過齋文稿蘇氏城內蘇文德女年十五歸于寨周
體仁二載夫沒生遺腹子全成家貧度日維艱氏矢
志守貞惟恃紡績以養翁姑姑翁姑卒竭力營葬道光
二十七年卒年五十八

許氏

文獻志

卷三十五

二十

記過齋文稿許氏許埠許五女年十六歸沙灘馬道
二載夫沒後三月生遺腹子三成時翁姑咸在氏奉
老撫幼勤儉持家鄉里稱焉道光十五年卒年四十
六

李氏

記過齋文稿李氏半截岡李宗法女年十七歸北關
蘇鵬升閱十二載夫沒時翁姑老夫弟幼子亦在襁
抱翁姑抑鬱成疾屢藥不痊氏潛割股肉和羹以進
翁姑食之頓愈家日貧氏爲人彈花日得數十錢以
養翁姑而已常忍饑逮翁姑先後卒氏殯葬如禮其

撫夫弟也恩愛備至既爲子授室復竭力爲夫弟娶婦至於勤其事而死人尤賢之道光二十三年卒年五十一

劉氏

記過齋文稿劉氏窪劉邨劉永福女年二十歸城內楊芝九載夫亡氏以節自矢奉老撫孤辛苦備嘗道光三十年卒年八十八子振清武生

梁氏

記過齋文稿梁氏屯溝梁杭女年十七歸潘莊何德行一載夫亡無子女而祖姑及姑皆在堂夫弟三人

文獻志

卷三十五

二十一

穉幼氏以孝事親以慈撫幼家室匱乏力任操作終歲勤動至老不倦今年八十三取天姪運會爲嗣

黎氏

記過齋文稿黎氏朱店黎文道女年十九歸城內李峻嶺二載夫亡家極貧翁姑篤老氏竭力奉養翁病危氏潛割股肉爲食以進又禱於神以祈翁壽翁疾果愈姑冬月畏寒氏與同臥起以身煖之人咸嘆服今年八十二

張氏

記過齋文稿張氏岡底張莊張天協女年二十歸栢

梁橋馬元敬八載夫卒今守節已六十四年年九十

二

賈氏

記過齋文稿賈氏東由邨賈涵女年二十歸城內蘇
正志九載夫卒氏奉姑撫孤內外無閒言子亡復撫
其孫成立今年八十五

劉氏

記過齋文稿劉氏城內劉海雪女年十六歸桐城梁
淳淳有癩疾氏奉事甚謹絕無嫌忌閱五年夫癩疾
大作一日墜井身亡氏矢志守貞奉翁姑撫幼叔賢

文獻志

卷三十五

二十一

孝之聲溢於里黨無子立夫姪西山爲嗣今年八十

一

朱氏

記過齋文稿朱氏朱店朱國茂女年二十歸城內陳
英武閱五載夫卒時姑以哭子喪明病臥牀蓐氏奉
湯藥同起居積久無懈無子立夫姪景堂爲嗣今年
八十

焦氏

記過齋文稿焦氏杜郎邨焦佩女蘇岡谷天才妻年
二十九夫卒舅姑病氏善事之歷五年如一日無子

立夫姪豐瑞爲嗣今年八十

武氏

記過齋文稿武氏拐子邨武中寬女年十九歸曲莊
吳尙志閱九月夫亡矢志守貞今已五十九年年七
十九

張氏

記過齋文稿張氏康王廟張思永女年二十歸賈莊
賈明賢八年夫卒氏事姑甚孝姑病晝夜侍側藥必
親嘗迨姑壽終葬之以禮今年七十八

趙氏

文獻志

卷三十五

二十三

記過齋文稿趙氏竹園莊趙著女年十七歸岡底張
莊張成義四載夫卒子幼家貧以紡績爲生茹冰飲
蘖今已五十六年年七十七

吳氏

記過齋文稿吳氏拐子邨吳世貴女年十七歸許埠
許振邦二載夫卒以節自矢今已五十七年年七十
六嗣子庚辛庠生

劉氏

記過齋文稿劉氏議臺邨劉矚女城內郭友芸妻年
二十四夫卒姑梁氏臥病數載氏朝夕奉事親滌垢

穢歷久不渝今守節已五十二年年七十六嗣子熙照

于氏

記過齋文稿于氏王岳邨生員于田女城內郭友莫繼室年二十六夫卒今守節已四十九年年七十五

于氏

記過齋文稿于氏王岳邨于士貴女年十五歸格壻頭趙珍閱十四載夫卒家貧僅有一女氏誓不改適以勤儉自持值歲荒恆累日不舉火而苦守之志益堅今已四十四年年七十三

文獻志

卷三十五

二十四

康氏

記過齋文稿康氏康莊康鳳鳴女年十九歸張橋陳海湜四載夫卒時翁姑在堂子好仁甫三歲氏以栢舟自矢奉親撫孤一身兼之後翁姑沒殯葬以禮子亦成立今氏年七十二守節已四十九年

趙氏

記過齋文稿趙氏趙莊歲貢趙平格女左岡左克友妻年二十九夫卒守節已四十三年

趙氏

記過齋文稿趙氏竹園莊趙文成女伏邨監生姚靜

宇妻年二十三夫卒矢志守貞孝養翁姑無子立夫
姪應元爲嗣撫如已出今守節已四十八年

張氏

記過齋文稿張氏汝陽張發財女鄆陵王岡監生王
誦妾年二十九誦卒氏奉老撫幼勤儉持家女君賢
之今守節已四十一年

程氏

記過齋文稿程氏杜郎程可傳女韓營符振祥妻年
二十四夫卒氏矢志守貞竭力奉親翁病氏禱神以
祈翁壽翁病果瘳後翁復病氏嘗糞以辨瘥劇尤爲

文獻志

卷三十五

二十五

人所難今守節已四十五年嗣子煥章

張氏

記過齋文稿張氏鄭莊張元性女蘇岡監生蘇思恭
妻年二十九夫卒今守節已三十九年年六十八

王氏

記過齋文稿王氏程莊王鍋柱女程路口程書妻年
十九夫卒家極貧又無子女翁姑年老夫弟幼氏立
志苦守使老幼無缺養迨翁姑壽終夫弟成立氏爲
夫弟娶婦幸夫弟有子三人氏取其長者爲嗣夫祀
賴以弗替今守節已四十九年

王氏

記過齋文稿王氏大路王莊王效孔女郃邨舖張兆吉妻年二十六夫故氏孀居自守勤儉治家先業賴以不墜今守節已四十二年

陳氏鄭氏

記過齋文稿陳氏陳老莊陳守禮女年十七歸梁老莊梁允九載夫沒養親撫孤和睦娣姒數年夫弟義卒義妻鄭氏段莊鄭希賢女也無子女而能以節義自持或勸其改適氏以死自誓守節與其嫂相匹云

周氏

文獻志

卷三十五

二十六

記過齋文稿周氏周營周紀女年十九歸賈莊秦永福一載夫卒持節至堅而性情慈柔家人無不稱氏賢無子立夫姪玉德爲嗣恩愛無異所生今年六十七

吳氏

記過齋文稿吳氏拐子邨吳景龍女年十八歸康王廟邨張鍾秀四載夫卒不願改適至癸酉歲荒幾無以自存而貞操愈勵今守節已四十五年

劉氏

記過齋文稿劉氏窪劉邨劉永吉女伏邨姚平安妻

年二十四夫患病將絕屬氏曰爾年少改適可也氏誓不再醮夫卒取夫姪國瑚爲嗣撫愛甚至嘉慶癸酉歲歉族人某勸嫁氏曰昔之誓言謂何今豈忍背之哉遂與某告絕今守節已四十二年年六十七

何氏

記過齋文稿何氏扶溝何鎮女鄆陵城內陳甯武妻年二十六夫卒遺孤甫數月氏矢志靡他教子成立今守節已四十一年

黃氏

記過齋文稿黃氏席黃邨黃可羣女小岡黨際貴妻

文獻志

卷三十五

二十七

年二十八夫卒家極貧矢志守節今已四十一年

李氏

記過齋文稿李氏半截岡李敬倫女蘇岡蘇九苞妻年二十九夫故家極貧無子女而能矢志苦守嫂黃氏前卒撫諸姪如已出夫兄繼娶高氏氏與之相處數十年和睦無猜迨立夫姪中興爲嗣不肯異居猶爲姪孫輩摒擋婚嫁之資朝夕不輟人尤賢之今守節已三十八年年六十七

于氏

記過齋文稿于氏王岳邨監生于以佃女年二十二

歸城內廩生蘇正敏爲繼室事翁以孝稱年二十九夫沒矢志守節撫子成立今年六十七

許氏

記過齋文稿許氏許埠許興邦女司家邨司海全繼室年二十九夫沒家貧守貞非紡績莫給食也人以其爲難今年六十七

蘇氏

記過齋文稿蘇氏城內監生蘇永位女年十九歸同城梁寅閱九月夫卒矢志守貞值歲祲鬻奩具度日而志不少變今年六十六

文獻志

卷三十五

二十八

馬氏

記過齋文稿馬氏官在邨馬曰恭女崔岡崔喜妻年二十一夫卒家貧子幼翁姑老氏善爲奉養俱壽躋八十餘乃終子亦成立今守節已四十三年

張氏

記過齋文稿張氏城內張靈府女西關邢桂嶺妻年二十五夫卒以貞自守善事祖姑及姑閨門嚴肅非有急事未嘗出戶今守節已三十九年

周氏

記過齋文稿周氏周營周貴實女唐莊蘇至林妻年

二十七夫卒閒月生遺腹子明理家貧親老度用維艱氏奉親育孤并日親操恪守貞潔初終不渝今守節已三十七年

賈氏

記過齋文稿賈氏周營賈肇紀女韓并韓初俊妻年二十三夫卒時翁姑在堂子周歲氏以栢舟自誓屏鉛華弗御當旁邨有戲劇或歲時入廟祈神他婦女聚觀以百數氏閉戶居未嘗往惟朝夕勤紡績理米鹽竭力以事翁姑及翁姑卒殯葬無失禮人以爲難今守節已四十年年六十三

文獻志

卷三十五

二十九

趙氏邢氏

記過齋文稿趙氏趙溝邨趙國春女小寨吳純儒妻年二十二夫卒無子女而能矢志守貞其事翁姑也出於真心翁姑有疾理湯藥叩寒溫奉盤匜毫無懈志今姑已逝翁壽八旬餘氏之孝敬不衰夫弟秀儒之婦邢氏後邢邨人父名廷傑年十七來歸閱三載夫故與嫂趙氏共紡績敦親睦以慰其翁之餘年邢氏有子名芳春二人同撫之成立趙氏已守節四十年邢氏已守節三十二年

居氏

記過齋文稿居氏温寨居光璟女許莊張修德妻年二十四夫卒值祖姑疾晝夜不離側藥必嘗而後進人稱其孝今守節已三十九年子森庠生

任氏

記過齋文稿任氏屯溝邨任全女康莊康令武妻年二十六夫沒生姑在室子同旺方三歲家貧衣食恆不給氏矢志苦守朝夕勤紡績博微息以奉生姑哺幼子自咽糟糠絕無怨悔生姑病癱臥牀蓐數年氏百方調治獲痊後又病目氏事之愈謹生姑嘗歎曰使我無此媳久已填溝壑矣其得姑歡心如此今守

文獻志

卷三十五

三十

節已三十七年

張氏

記過齋文稿張氏河岡張發財女大馬邨馬正懷妻年二十七夫故時翁病啞姑就衰家貧子女幼氏於艱難中使一家老弱無缺養雖自忍饑寒弗恤也今守節已三十六年

王氏

記過齋文稿王氏宋莊王喜女鄭莊鄭國秀妻年二十七夫故立夫姪崑山爲嗣今守節已三十六年

周氏

記過齋文稿周氏于寨周履謙女丁莊丁成智妻年二十一夫卒無子篤志守貞孝養翁姑姑病刲股療之後姑卒夫弟幼氏善撫之及長娶妻生子信氏取以爲嗣曰吾今庶可以對亡人矣今守節已四十一年

趙氏

記過齋文稿趙氏格壩頭邨趙天容女母病癱事奉至孝年十九歸城內王勳芳三載夫卒家日落翁姑漸衰老飲食起居氏默窺堂上意旨不言而辦老人安之故翁壽克臻九十且善持家政紡績織紝不至夜分不止無子撫夫姪象蘭爲嗣今守節已四十年年六十二

郭氏

記過齋文稿郭氏程邨郭占鰲女康莊康祥雲妻年二十四夫卒孝翁姑撫幼子翁姑卒竭力營窀穸撫子至二十餘歲天亡人共惜之今守節已三十八年

王氏

記過齋文稿王氏曹寺邨王玉名女漆井邨馬福旺妻年二十五夫卒時姑年逾七旬子遂嶺方三歲氏任操作雖家無中人之產而事老撫幼毫無缺陷今

文獻志

卷三十五

三十一

守節已三十七年

張氏

記過齋文稿張氏官在邨張盡功女年十八歸格墻頭趙法宗閱五十日夫卒氏以節自誓夫族某屢勸改適氏不爲動惟以孝養孀姑爲事迨癸酉歲饑自啖糠粃姑甘旨無缺壬午姑病噎氏竭力事之將卒屬氏曰媳之孝道畢矣我死可自爲計氏泣曰從一之志已決老人不必繫念也及卒氏鬻田四畝以葬人共稱焉今年六十一

侯氏

文獻志

卷三十五

三十一

記過齋文稿侯氏侯岡侯文祥女許莊許波成妻年十九夫卒家極貧孀姑在堂子廷玉方月餘氏以栢舟自誓雖炊火屢斷而志不少移今年六十一

趙氏

記過齋文稿趙氏伍子邨趙文秀女甘羅邨蘇祥妻年二十二夫卒無子女翁盲姑病夫弟幼氏操井臼奉甘旨敬事翁姑三十餘年取夫姪名山爲嗣教育成立今年六十一

牛氏

記過齋文稿牛氏牛集牛百祥女窪劉邨劉興生妻

年二十九夫卒氏立志苦守奉老撫幼人皆賢之今年六十一

蘇氏

記過齋文稿蘇氏蘇岡蘇化女楊河邨張思閔妻年十九夫故家貧事姑至孝立夫姪建奇爲嗣今年六十

馬氏

記過齋文稿馬氏馬橋邨馬秉蘭女年十八歸陳老莊王思友二年夫卒三月生遺腹子廷玉撫之成立從夫弟耀少失恃氏亦保抱攜持無俾失所人尤賢之

文獻志

卷三十五

三十三

今年六十

李氏

記過齋文稿李氏山西人王岡王玉妻年二十一夫卒以節自持歲荒往往一二日不舉火而苦守之志彌堅後姑哭子喪明氏奉事得其歡姑幾忘有失明之苦也今年六十

林氏

記過齋文稿林氏林家邨林全堯女甘羅邨王掌山妻年二十四夫卒家極貧親老子幼氏勤紡績以治生自食糠粃親前恆不廢甘旨夫弟婦因產沒遺一

子氏撫養成立人皆稱之今年六十

程氏

記過齋文稿程氏程岡貢生程慎修女年十六歸水坑王邨監生王錫齡爲繼室本生舅抱病氏奉事惟謹舅壽終未幾夫病氏竭力以事夫亦不起時氏年二十一以節自守無子立夫姪永夏永定爲嗣今年五十九

丁氏

記過齋文稿丁氏丁莊丁成德女年十八歸蘇岡蘇鳳林時鳳林已抱病氏左右奉事三年無懈志夫疾

文獻志

卷三十五

三十四

革屬氏守貞及卒恪遵遺命孝養翁姑姑嘗稱之曰有媳如是無容思吾子矣後翁姑先後卒氏竭力營葬人咸稱之無子立夫姪朝選爲嗣今年五十八

趙氏

記過齋文稿趙氏伍子邨趙生女甘羅邨王天佑妻年二十一夫卒以節自矢立夫姪運泰爲嗣敬事翁姑歷久不懈今年五十八

張氏

記過齋文稿張氏官在邨張成德女年二十一歸賈莊賈連峯姑及孀母病疫氏不避傳染親身奉事年

二十九夫卒氏哀痛如禮立夫姪炎午爲嗣苦守孀節人無閒言今年五十七

田氏

記過齋文稿田氏小營邨監生田萬青女栢梁橋馬逢和妻年二十七夫沒奉孀姑撫幼女姑卒氏哀毀傾動鄰里識者稱之今年五十六

葛氏

記過齋文稿葛氏曲莊葛方興女牛集牛景生妻年二十五夫卒守節已三十一年

李氏

文獻志

卷三十五

三十五

記過齋文稿李氏夏莊李發孝女唐莊劉運西妻年二十夫卒矢志撫孤孝奉舅姑今守節已三十五年

張氏

記過齋文稿張氏馬坊張敬先女王莊王文聘妻年二十二夫卒氏誓不改適舅姑年老飲食必親爲奉事無子立夫姪德潤爲嗣今年五十五

黃氏

記過齋文稿黃氏議臺邨黃發德女樊莊樊雨露妻年二十夫故孝養祖姑祖姑及翁先後卒氏竭力營葬姑病三十年尤賴氏始終服事今年五十四

范氏

記過齋文稿范氏莊頭邨監生范德潤女曹寺邨王常祿妻年二十三夫卒矢志守節孝養舅姑二十年如一日舅姑沒氏竭力營葬無子取夫姪爲嗣今年五十四

谷氏

記過齋文稿谷氏谷樓谷彬女城內李應和妻年二十四夫卒氏矢志守貞奉養翁姑俱臻上壽今年五十四

高氏

文獻志

卷三十五

三十六

記過齋文稿高氏高莊高松嶺女孔邨呂元良妻年二十五夫卒奉親撫孤以貞自守道光十二年翁病危氏禱於神願減算十二年茹素三年以祈翁壽翁病果愈道光二十四年翁卒適符十二年之數今年五十四

宋氏

記過齋文稿宋氏宋莊宋鴻舉女年二十二歸張橋孫永興爲繼室五載夫沒以節自持撫前室子芳遠如已出今年五十四

張氏

記過齋文稿張氏新莊張德緒女城內楊金生妻年
二十二夫卒以義自守深居獨處惟務紡績孝事舅
姑晨昏不懈今年五十三

晉氏

記過齋文稿晉氏晉門邨晉道洽女李寨李延修妻
年二十三夫卒篤志守貞孝養翁姑今年五十三

宋氏

記過齋文稿宋氏洧川陳莊宋天元女許字莊頭范
天心爲室及于歸期近夫抱病甚重父母欲緩之氏
曰命也遂歸之入室事夫惟謹閱三十四日夫卒葬

文獻志

卷三十五

三十七

畢翁姑憐其少將送歸母家氏不從矢志孝養翁姑
安之幾忘其有喪子之戚也立夫姪清平爲嗣今年
五十二

徐氏

記過齋文稿徐氏徐坡徐華亭女蔣莊蔣立德妻年
二十二夫卒今守節三十年

梁氏

記過齋文稿梁氏城內梁瀄女馬坊劉春田妻年二
十一夫卒矢志守貞孝事祖姑及姑和睦娣姒日勤
操作今年五十

高氏

記過齋文稿高氏只樂邨千總高天甲女康莊康應
丁妻年二十三夫卒以節自勵不出戶庭雖鄰人罕
見其面無子立夫姪沛然爲嗣愛如已出今年五十

二

張氏

記過齋文稿張氏尉氏香王邨生員張君錫女年十
七歸古城生員趙得祿爲繼室閱八載夫病將革屬
氏曰吾雖家貧汝宜苦守勿遺我羞氏曰君若不起
吾將從君於地下矣越日夫卒氏痛哭不食又八日

文獻志

卷三十五

三十八

自經死年二十五

陳氏

記過齋文稿陳氏陳樓陳聞韶女年二十歸遜耕邨
劉青雲次年五月夫病傷寒氏晝夜奉事夫病日重
氏飲食日少至六月初九日夫卒氏痛哭不已絕而
復蘇哭至十一日身亡去夫死僅二日嗣子坤戴

韓黑姐

記過齋文稿韓黑姐王鐵邨韓友仁女許字安家邨
安萬全爲室乾隆四十九年四月二十三日萬全病
故氏聞耗欲奔喪父母不許因飲泣數日暗用白布

密縫體上自縊死去萬全死僅六日年二十一

王增姐

記過齋文稿王增姐王莊王文泰女幼許字古城董長發子清太道光二十四年長發將爲子娶吉期已定清太於五月二十三日夭亡氏聞信削脂澤稱疾臥病不哭而神傷或謂未成婦何自苦答曰予名氏歲月飾而櫛之以歸於董忍自昧哉固請於父欲麻衣奔喪家人共阻之乃已旋有媒議別字者氏矢志不從遂不食不飲至六月初四日死去清太死十有一日年十九

文獻志

卷三十五

三十九

周氏

記過齋文稿周氏小周莊周士哲女幼許字拐子邨王發旺爲室因母家貧七歲送養於夫家年十四尙未行合卺禮發旺夭亡翁姑數勸氏歸母家夫兄曰士亦屢言家貧節難守氏痛哭不從惟以孝養爲事衣服飲食預爲祖姑及翁姑經理姑性嚴數誅辱之氏怡顏順受無愠也數年嫂黃氏卒遺二子氏教養撫育如已出及長爲授室立次姪世奇爲嗣今年五十三

張氏

記過齋文稿張氏二郎廟張紀女年二十歸袁坡袁
德重善事翁姑姑趙氏臥病屢藥不痊氏禱於神復
潛割股肉爲食以進姑食之果愈後姑復病癱手足
不能舉氏晝夜奉事不離左右疴癢則搔之涕洟則
拭之便溺則抱之姑之疾痛苦身親者顧姑又憐氏
甚少閒輒摩氏去氏曰安有姑呻吟牀蓐而媳自求
便安者乎抱幼子臥糞土中復拾薪以備暑月施茶
拾遺穗以備冬月施飯以爲力勤施濟姑壽或可少
延也如是者三年姑竟不起氏竭力營葬鄉人稱孝
婦焉嘉慶十九年卒年六十八

文獻志

卷三十五

四十

劉氏

記過齋文稿劉氏刁河劉永安女年十七歸狐冢賈
正弼賦性溫柔善事舅姑舅病數年服勤不懈至嘉
慶二十年秋病篤矣氏憂惶無計遂割股爲食以進
翁食之頓愈方始割時出不意及愈家人知之其事
乃傳於人道光二十七年卒年六十一

賈氏

記過齋文稿賈氏狐冢賈坦女年十九歸夏莊周文
升姑年老家日落氏竭力奉親身受饑寒而姑未嘗
凍餒姑病潛割其膚烹以進又禱於神願三年不茹

輩以祈姑愈姑病遂瘳後夫有疾氏食素三年夫疾亦愈姪及姪女早年喪母氏撫之成立今氏年六十

九

石氏

記過齋文稿石氏崔馬邨石孔如女年二十歸李堂邨李懷山數年姑得心疾屢治不愈氏割股肉爲匾食以食之疾漸瘥道光二十年姑無病而終氏哀毀過禮識者稱焉卒年六十五

趙氏

記過齋文稿趙氏伍子邨趙佑女年十八歸張坊魏

文獻志

卷三十五

四十一

奇峯善事翁姑道光二十七年翁病甚氏同弟婦林氏跪禱神明願損已壽十五年以益翁壽翁漸輕減歲餘翁復大病氏割股肉爲食以進翁竟不起氏相夫營葬哭泣甚哀族黨稱之今年五十八

王氏

記過齋文稿王氏小路莊王永久女崔園莊李國珍妻性柔心正嘗勸夫以孝弟爲分內事道光八年冬姑病危急氏禱神祈愈復潛割股肉爲羹以進不令姑知也姑食之頓愈道光十八年春翁病氏之割股也如前翁亦愈而其前日割股之事乃聞於人後翁

姑先後卒氏助夫營葬盡禮人皆稱焉今年四十九
吳氏

新纂吳氏裴莊生員吳滌女年二十歸窪劉村武生
曹廣量八年夫卒守貞奉姑撫子姪成立道光二十
七年卒年六十五

本節孝坊碑以
下三人並同

賈氏

新纂賈氏狐冢賈正儒女年十八歸牛集宋國興九
載夫卒氏矢志苦守孝養翁姑卒以節稱

馮氏

新纂馮氏轆轤灣馮偉女窪劉村劉和妻年二十四

文獻志

卷三十五

四十二

夫卒以節終

袁氏

新纂袁氏袁全來女北關朱文德妻年二十九夫卒

以節稱

徐秉乾
採訪

劉氏

新纂劉氏馬貢莊劉吉女歸甘羅村張靜爲室賦性
賢淑年近百歲五世同堂道光元年河南巡撫李德

奏 聞奉 旨建坊 旌表並賞緞疋銀兩

子含光監生

王峻峨
採訪

曹氏

新纂曹氏河岡曹玉成女司家村司宜民妻道光三十年姑病危氏割股爲湯以進姑飲之漸愈人以爲孝感咸豐十年卒年四十四

蘇文炳
採訪

周氏

新纂周氏周營周貴江女孝子岡吳煥然妻年二十于歸年餘夫卒矢志守貞孝翁姑睦娣姒撫遺腹子金生成立金生監生氏今年五十一

司潤楠
採訪

王氏

新纂王氏路莊王永定女寇莊鄭元魁妻賦性溫柔篤志孝順姑病篤氏禱於神願損己算以益姑壽復

文獻志

卷三十五

四十二

割股肉食之姑病果愈後數年姑卒相夫營葬盡哀盡禮人咸稱焉今年六十四

王文俊
採訪

吳氏

新纂吳氏屯溝吳叢德女年十九歸王岡王松生爲繼室閱五載夫沒時前室遺子一人已出子二人翁年七十餘氏矢志守貞事翁以孝撫三子如一家室匱乏力任操作終歲勤動至老不倦今年六十六

王燦

採訪

宋氏

新纂宋氏牛家集宋高泰女年二十歸河岡王輔綱

爲室七年夫沒時翁姑咸在夫遺子女各一氏奉老
撫幼勤儉持家人皆稱焉卒年八十七子振宗耆老

孫燦歲貢

周彭載
採訪

葛氏

新纂葛氏曲莊葛汝霖女年十六歸馮岡宋金灼二
月夫卒氏矢志苦守事翁姑無缺禮翁兩娶庶姑先
後卒名遺一女氏撫養成人營嫁謀奩咸如其願以
從姪天佑爲嗣今年五十八

王燦
採訪

潘氏

新纂潘氏潘莊潘國中女河岡宋子強妻年二十八

文獻志

卷三十五

四十四

夫卒時翁已逝姑在堂夫遺二子一女氏奉老撫幼
俾無失墜經營家務咸得其宜年六十二卒子玉峯

監生

張維綱
採訪

陳氏

新纂陳氏所村陳善女甘羅村王景鑑妻年二十二

夫卒守節四十餘年以夫姪璿爲嗣

王溶海
採訪

蘇氏司氏

新纂蘇氏蘇莊扶溝教諭蘇玉生女年二十歸牛集

陳恆泰六載夫卒時翁姑卒夫弟幼子自新方在抱

氏撫養訓誨俾共成立及自新娶妻司氏甫三載自

新又卒遺一子司氏與姑同守孀節人共稱之司潤楠採

張氏

新纂張氏張樓人歸只樂集王誠之爲室夫早亡翁姑衰老無子女又無宗族翁欲氏他適氏知之哭絕而復甦已從容謂翁曰天禍王氏絕嗣覆宗而二老所依爲命者以有媳在耳媳雖不肖顧獨無人心乎於是事其翁姑益謹姑病癱臥牀褥氏晝夜服勤不離左右姑卒哭之喪明數年翁病氏事之一如事姑翁卒氏營葬畢仰天哭曰吾之大事畢矣遂自縊死

文獻志

卷三十五

四十五

張寅亮採訪

軒氏

新纂軒氏段莊人北關朱好德妻早孀家貧無子家人屢議嫁之氏堅志不從於極艱辛中竟克完名全

節今年五十七

蘇文炳採訪

馬氏張氏張氏

新纂馬氏郭劉村張玉燦妻早寡矢志守節年逾七旬卒其夫妹張氏適董應釗亦早孀教嗣子丙元業儒賢聲甚著初馬氏之孀居也撫夫兄女爲女及長適劉守疆幼年喪夫無子哭勸夫兄買妾夫兄從之

生一子而夫兄卒氏愛若已出撫養成立

張寅亮
採訪

劉氏

新纂劉氏謝坊閻喜兆妻年二十于歸三年夫亡孝事舅姑撫夫姪珂爲嗣今年六十二

黃氏

新纂黃氏溫寨居槐堂妻十九歲于歸二年夫故事舅姑盡孝撫夫姪碧山爲嗣現年五十

閻氏

新纂閻氏黃村店陳進祿繼室年十八于歸二年夫亡無子欲以身殉其母勸止之勵志苦守勤紡績以

文獻志

卷三十五

四十六

養翁姑撫夫姪成立鄰里公舉邑令葉公旌之卒年

四十八

以上姬
驥採訪

滕氏

新纂滕氏滕岡滕清平女年十八歸黃村店陳福夫病瘋不省人事飲食起居賴氏扶持二年夫亡無子女氏孝事舅姑守節以終

徐氏

新纂徐氏徐坡徐國治女甘羅村張國賓繼室年二十五夫沒撫前室子以恩事舅姑以禮子及媳早亡復撫三孫成立年七十二卒

王氏

新纂王氏賀岡王淇林女年十七歸黃龍店于羣越
三載夫出亡不歸氏矢志苦守教子慈嚴兼盡子亡
復撫幼孫年七十卒守節五十一年

馬氏

新纂馬氏黃龍店馬成鳳之女年十八歸同村陳密
一載夫故無子事翁姑能得其歡撫夫弟典成立典
生一子氏恩愛一如已出賦性溫和處事有法今守
節已四十一年

以上均徐
秉乾採訪

臣氏

文獻志

卷三十五

四十七

新纂臣氏黃村店人幼許字黃龍村陳文治因家貧
送養於夫家翁姑嫌其貌陋甚薄之十九歲合卺月
餘夫卒氏欲以身殉家人勸之遂翦髮自誓守貞以
孝敬翁姑爲事翁姑甚愧知婦之淺也朝夕服勤翁
姑壽皆八十餘乃終以夫兄子鳳至爲嗣紡織所積
分給子姪毫無偏私今已守節三十二年

陳召南
採訪

劉氏

新纂劉氏刁河村劉永庚女拐子村王曉波妻溫柔
和厚嘗以孝弟勸夫咸豐四年夏翁病篤氏竭誠禱
神復割股肉爲食以進翁食之果愈方始割時出不

意及病愈家人知之於是內外親族共相贊嘆樹碑

閭左以表其德焉

王文俊
採訪

蘇氏

新纂蘇氏蘇岡蘇明月女胥莊胥東生妻年二十于

歸越三載夫沒立志守節孝事翁姑後翁姑與夫兄

先後卒嫂亦逝遺二子一女氏撫育一如已出立夫

兄子廷棟為嗣今守節已二十八年

蘇文炳
採訪

賈氏

新纂賈氏蒲堂武舉賈殿魁女屯溝梁樹範妻年十

七于歸二載夫卒氏慟哭絕而復蘇勵志守貞孝事

文獻志

卷三十五

四十八

舅姑撫夫兄子女一如已子立夫姪俊傑為嗣今守

節已四十一年

賈殿魁又有次女許字陶城李振澤為室年十八于歸閱四載夫沒勵志

守貞姑年近七旬雖有伯叔氏獨力供養歷久不變

有時歸甯母家然去而即返惟恐有缺定省咸豐九

年春皖賊逼近姑奔避之際猶攜姑送終衣物不肯

蘇氏

新纂蘇氏先考處士府君女康王廟村張元良妻年

二十八夫卒孝事翁姑以栢舟自誓翁姑卒葬之以

禮取夫姪恆坦為嗣嗣子卒復撫嗣孫今年五十三

陳氏

素著因其年尚未符此立夫從慎章為嗣氏賢聲
例故附載於此未符司潤楠採訪

新纂陳氏陳萬鵬女樂陵岡張連元妻年七十二失
目至九十二目復明享壽百有二歲

胥文華
採訪

盧氏

新纂盧氏曲莊盧景仁女年十九適蘇墩蘇海晏生
一子二年夫卒事孀姑以孝教子以義今守節已二

十九年年五十

蘇月蘭
採訪

王氏

新纂王氏羅南保王莊王文相女張中保婁家村婁
萬和妻年二十六夫卒矢志守節事翁姑以孝今年

四十八

蘇月蘭
採訪

文獻志

卷三十五

四十九

宋氏

新纂宋氏大宋莊宋應文女歸郭營村劉應才年二
十九夫卒家甚貧子女皆幼氏矢志守貞不肯改適
咸豐九年十月十二日皖賊擾及郭劉村氏恐爲賊

所污投水死

司潤楠
採訪

雷氏

新纂雷氏前張莊雷廷顯女歸陳寨陳應祿咸豐九
年十月十二日皖賊擾鄆陳氏舉室出逃行至王店

遇賊雷氏義不受辱捨幼子投井死

蘇林生
採訪

黃氏

新纂黃氏温寨居錦堂妻年十七于歸閱六月夫卒

甘貧守節孝事舅姑取夫姪為嗣氏今年六十五

驤 姬

採 訪

袁氏

新纂袁氏趙書獻妻年二十四孀以節終

袁 儒 秀 採 訪

文獻志

卷三十五

五十

